

人多求洗身殊不求洗心洗身去塵垢洗心去邪滯塵垢用水洗邪淫非能淋必欲去心垢須彈無絃琴

寬猛吟

寬則民慢猛則民殘寬猛相濟其民自安

小道吟

藝雖小道事亦繫人苟不造微焉能入神

得失吟

人有賢愚事無巨細得不艱難失必容易

安分吟

輕得易失多謀少成德無盡利善無近名

道藏輯要

擊壤集

卷

四星集七

好勝吟

人無好勝事無過求好勝多辱過求多憂憂辱並至道德弗遊不止人患身亦是仇

治心吟

心親于身身親于人不能治心焉能治身不能治身焉能治人

吾廬吟

吾亦愛吾廬吾廬似野居性隨天共淡身與世俱疎遍地長芳草滿牀堆亂書自從無事後更不著工夫

內外吟

目耳鼻口人之戶膈心膽脾腎人之中霽內若能守外自不受